

Scheidungs-Diskorsch mit'm kleene Schorsch

"Gal, Vattr", säigt es Schorschla wichti,
"Verzählet mersch jetzet amal richti,
Wie dees da ägetli da it ,
Wenns bei dr Leut a Scheiding gi't.
Werd wie bei Hochzi, wemmer heierts,
Aa gassn und gtrunkn, a Festla gfeiert?
's hat Wei' und Tortn immer gabn,
I mach da garn mit für mei Labn."

" 's it nix mehr," lacht dr Vattr, "Bua,
Ans Feiern denkt da keens, a wua! -
Beim Fest wärscht du ganz gwies nit faul,
In dan Fall bleibet dr sauwer 's Maul.
's werd nix geprouzt, nix gebackn,
Wenn zwää sou aufananner hackn.
's gätt strümpfi, still, bei dr Scheidingsgschicht.
Ja, Schorschla, da verziechst es Gesicht!"

Dar grollt: "Kee Fest? - - - Dees soll öbbes sei?
Wäßt woos, Vattr: Läßt äibn 's Scheidn blei!
Mer sch... - mer pfeufn'ra auf ihr Scheiderei."